

蔣士銓原著
盧冀野校訂

紅雪樓逸稿

上海中華書局印行

國民政府內政部註冊二十六年二月廿六日執照警字第八四四二號
 民國二十五年十月發行
 紅雪樓逸稿（全一冊）
 民國二十八年六月再版



◎

實價國幣二角

（郵遞運費另加）

原 著 者	校 訂 者	發 行 者	印 刷 者
蔣 士 銓	盧 冀 野	中華書局有限公司 代表人 路錫三	上海 美商永寧有限公司

總發行處 昆明 中華書局發行所

分發行處 各埠 中華書局

序

余二姑母適鉛山蔣氏。姑丈紹白先生。心餘太史之《意錄》也。是以是
余兒時得讀忠雅堂詩文集。紅雪樓九種曲。心好四絃秋。離劇既
肄業南雍。究心爨弄。知清曲之有太史。猶詩之有漁洋。竹垞。文之
有望溪。姬傳也。初紹白先生爲言。先太史所作曲不止九種。亦未
盡刊入茲編。庚從宦四方。久離鄉井。使他日言歸。當攜以示君。忽
忽十餘年。姑母與姑丈先後下世。每念前言。輒爲泫然。故不及料
太史之遺稿。余終能見之也。昨歲校曲涵芬樓。大內曲本頗多。祝
頌之篇。知太史舊有康衢樂。爲高宗南巡接駕作。世多鈔本。不知

尚有廬山會一種。觀其詞藻。似獻與王氏者。而王氏又必江右人。太史桑梓之念甚殷。九種中曾有一片石。第二碑二劇。皆記婁妃事。又不知更有採樵圖。視二劇尤詳。而采石磯一本。作者隱以太白自寓。置諸前九種。有過無不及。余何幸而得摩挲太史手澤。燈窗點勘。不覺欣然自喜矣。惜乎紹白丈已作古人。不得一詢昔日之所言果此三種否耳。竹莊蔣師遠道錄示。誼可感也。原本注明江鶴亭羅兩峯校正。今仍之。乙亥十月。廬前冀野父書於飲虹簃。

紅雪樓逸稿三種

廬山會

採樵圖

采石磯

廬山會

鉛山蔣士銓清容填詞

新安江 春鶴亭正譜

維揚羅 聘兩峯校閱

「宋大匡君上」秋英已綻菊枝黃。仙院初焚壽字香。試看三星輝
朗處。紫薇花對紫薇郎。小仙廬山大匡君是也。今本山有古槐
三株。枝承雨露。配南國之甘棠。秀絕寰區。作西江之廣蔭。常有
慶雲籠罩其上。今日聞福祿壽三星齊來照臨。已曾約兄弟小
匡君同去一觀。敢則到來也。「老生小匡君上」伯仲之間原洒

落神仙而外足遨遊。哥哥請行。〔合〕

〔仙呂過曲〕〔醉扶歸〕參天材大皆梁棟。香柯古葉自蔥蘢。百尺依稀嶧山桐。豫樟白日翻風動。〔皂羅袍〕說甚東南竹。箭枝摩太空。絕勝徂徠松柏根。蟠臥龍雲烟中有神靈擁。〔排歌〕影罩午星正拱。朝陽鳴鳳正嚙嚙。〔下〕

〔五老白髮全冠錦披同行。白鹿啣芝隨上。〕

〔南呂過曲〕〔梁州新郎〕〔梁州序〕風標高嶺。鬚髯瀟灑。巍然天半相偕。肩隨如是何須左拍洪崖。〔淨〕我等乃廬山五老是也。列兄你看。秋光濃郁。山翠空濛。前面雲霞變態。星彩光明。不知有何

祥瑞同向前山一觀何如〔衆〕使得恰好氣籠川岳光應星辰一
朵紅雲蓋高樓何處也紫薇開去問匡家兄弟來〔呀那邊天子
嶂下有古槐三株烟凝霧合佳氣非常〕〔賀新郎〕神仙事山靈解
聽笙鐘萬壑吹天籟〔本序尾〕烟霧底有人拜〔下〕〔小旦淡粧
仙扮上〕

〔懶畫眉〕懶與甄妃鬥明粧間聽潮音下馬當何曾輕易嫁彭郎
婀娜誰見凌波相堪笑詩人直恁狂峯巒爲髻月爲梳分領江天
是小姑鑿翠幾人開戶牖仙山樓閣易模糊小神乃彭蠡小姑
是也驅魚龍而引駕控鸞鶴以凌霞往來烟水之間游戲江山

之際今日天闊波平。不免去約大姑向匡廬一游。則個。

〔前腔〕螺黛青青鏡中央。若有人兮啓曲房。塔鈴風外語瑤璫。則問蓮花誰替弓鞋樣。銀榜該題履道坊。〔下。旦大姑上。〕

〔前腔〕風滿靈旗自飛揚。葉葉輕帆下皖江。蛾眉新號水仙王。威儀莫道人無兩。嬌小憐他姊妹行。女兒港口小江神。羞煞人間妒婦津。生受江村兒女拜。大姑原是女兒身。我乃江神大姑便是。

那邊小姑到來。須索迎他。〔小旦上。〕鏡中雙影合。江上兩峯平。

〔旦〕妹子何往。〔小旦〕江山清晏。人壽年豐。正該及時尋取佳。

勝。欲拔仙駕向廬山一遊。〔旦〕如此便去。〔合。〕

〔前腔〕敷淺高原翠帷張。九疊屏風三石梁。秋江如帶繫潯陽。捲銀河倒掛青天上。〔旦〕你看那邊茂林中好熱鬧也。爲問羣仙底事忙。〔外〕白髯黃蟒袍仙裝背葫蘆上。爲霖安衆望。出岫本無心。兩仙稽首。〔旦〕仙師何來。〔外〕我乃明代老寧王。平生最愛匡廬入山學道。自號臞仙。兩仙主何洞天。向未相識。〔旦〕小旦我等乃大小孤山之神。偶然遊戲至此。敢問葫蘆中是何靈藥。〔外〕此乃本山之六時雲氣。被我陸續收藏在內。每當風日清美。孤峯生嘯。徐徐放之。聊以自娛耳。〔小旦〕前山異彩飄揚。不有勝會。〔外〕此乃星聚三槐。非常之慶。小仙亦欲出彩雲擁護。

〔旦〕原來如此。同去一觀便了。〔外〕仙姑這雲呵。

〔北梁州第七〕映靈臺祥烟華旭。佐薇垣甘雨和風。可知道玉皇原愛紅光捧。裊金爐氤氲爲彩。護龍鱗上下相從。煥朝廷文章五色。紀官僚爵秩三公。合虹霓千門佳靄。門岩巒一帶奇峯。則見他出深山布護彌漫。倚青天飛揚洒落。離絳霄舒卷從容。登封獻頌。這飄颻未許神仙控。向人寰隨意湧。慰蒼生着眼江天雨露濃。人壽年豐。

〔目小旦下〕

〔內奏樂外揭葫蘆繞場放雲衆仙童持雲上遮

定場面。內將三槐置場中。雲漸漸開。外領仙童舞雲下。〕〔末生

小生扮三星上

〔南仙呂〕〔忒忒令〕爛輝輝龍小射天。明顯顯星精同現。只這雲

嵐一幅是廬山真面。可愛他映芙蓉秀南天。那疎林際康王谷水

晶簾乍捲。〔生〕我乃天福星君。〔小生〕我乃天祿星君。〔末〕我乃

長庚星君。這廬山真乃洞天福地。神仙窟宅也。〔生〕我等今番

涉降須擇一最佳勝處。以彰輝映。〔小生〕那邊三株古槐。天挺

奇秀。試爲照臨何如。〔末〕妙極。正是三公喬木千年壽。奕葉孫

枝五代榮。〔各倚一槐坐介〕〔合〕

〔嘉慶子〕看古柯疊翠龍勢展。不記當時手種年。何異靈光魯殿

森瓊樹畫階前添越蔭玉堂邊

〔五老東上二匡君二姑西山列侍介〕〔合〕

〔江兒水〕五老移仙履三星合彩躔山中別有蓬萊院雲間合有神仙眷堂前兼有瓊瑤饌鳳詔銜來光艷氣轉鴻鈞不比尋常良宴〔淨〕天保定爾以莫不興〔副淨〕如山如阜〔丑〕如岡如陵〔

二雜〕如川之方至以莫不增〔末〕如日之升〔老旦〕如月之

恆〔旦〕如南山之壽不騫不崩〔小旦〕如松柏之茂無不爾或

承〔三星〕多福多壽多男子〔衆〕共拜三台拱列星〔白鹿銜

芝上中立〕〔雲童暗上介〕〔合〕

〔川撥掉〕朱霞艷護雲芝一朶圓。愛白鹿特地盤旋。〔三星〕盞華簪一班列仙。望香爐凝紫烟。望東林開白蓮。〔合〕

〔前腔〕水飲江西清且漣。人似匡廬壽永綿。奏笙歌一曲延年。〔三星〕大羅天。何殊世間。桂輪秋照几筵。菊花香撲几筵。〔合〕

〔尾聲〕三槐自昔風流擅。今夕三星不在天。都向人間作善緣。〔衆下雲童舞雲下〕

採樵圖自序

吾郡上饒婁一齋先生。理學名儒。誕育賢女。結配非人。含恨而卒。其墓在江西省德勝門外。河干湮沒已久。予於辛未訪得碑址。先後作一片石。第二碑院本以表之。今復爲採樵圖十二齣傳演本事。蓋題畫以諫阻其夫之亂。故妃之隱志也。終以陽明立功遭忌。學道名山。一唱三嘆。惟解人知之耳。辛丑中秋日。離垢居士書。

